

## Юван Шесталов хансум потранэ урыл

(5 часть)

Юван Шесталов 1976 тал юи-палт тамле понэпакыт хансыс: «Салгыт сулынтэгыт» (1978), «Сорни-Най» (1978), «Яныг хул» (1982), «Щар сыстам щэгт» (1985) ос мотаныт. «Сибирское ускорение» нэпаке овылтыт писатель тамле латңыт хансыс: «Сартын ам туп стихотвореният хассум. Ос олупса тох олы, олупса урыл стихыт ос поэмат хансым това латың, това потрыт эрнэ щир ат лягалахтэгыт. Ам сака сав латың хотпатн лавуңкве тахсум, ты латңанум хосыт сав ёмас вәрмалит вәруңкве тахсум. Таимәгыс потранум рассказ хольт хансуңкве патсанум. Сартын ам газетан статьят ос очеркыт хансуңкве овылтахтасум, хунь савнув потрыт хассум, тонт номылматсум ты потрытыл акв яныг потыр вәруңкве, хот това нэпаканум ты тэлсыт. Ам нэпаканум ловиньтым хотпат мән нётнэ лүйи мāv нётнэг касалэяныл, лүйи мāt оlnэ хотпат тән оlnэ олупсаныл касалэгыт, олупсаныл тара паттэгыт». Тох Юван Шесталов повестянэ хансуңкве ты патыс. Касың нэпаке сав лильпи номт нэпак ловиньтан хотпатн тоты.

**Тыхотал потрув** роман-сказание урыл паты, потыр намаим олы – «Огонь исцеления». Ты потыр 1988 тал порат Юван Шесталов хансыстэ. Ты урыл тав лавыглалыс: «Ты нэпакум ам таланум яныг емтме юи-палыт хансыслум. Нэпакумт амти рутанум ўрыл лавуңкве тахсум». «Огонь исцеление» нэпак Шесталов рут урыл хансым олы. Нэпакт нила яныг потыр олы, ты потртыт эрыг хольт ловиньтахтэгыт. Овыл эрыг – ащойкатэ эрыг; титыт эрыг – щане эрыг; хўрмит – аще эрыг нилыт – пыг такви эрге. Касың эрыг такви хўрипа, тот хотпа

ōлупсатэ урыл хансым ōлы, ты хосыт пес йис пора ōлупса урыл торгамтанкве рōви ос та пора урыл, хунь пыг мāньлатыг ман яныг ёмтме порат ōлупса ōлыс.

«Тайна Сорни-нāй» – ты ос Юван Шесталов хансум повесть. Тыт современностиг лāвнэ пора урыл хансым ōлы. Шесталов номсахты, мāньщи мире лильпи ōлупса ёмтме порат хомус ōлуңкве паты? Вёрми ман ат вёрми, вёриты ман ат вёриты. Акв мāнь пыгрищакве интернатт мōт нāврамыт ёт сунсыглахты: «Аман хомус кран туп нёвуммаптаве, тёр нёлэтыл вит сосхаты, аман хотыл вит ōвис?» Ты мāнь пыгрищакве тāлыт миннэныл юи-пāлт хуньттах яныг писателиг емты.

1990 тāлыт юи-пāлт Шесталов потранэ ос мощ мōтцирыл хансуңкве патсанэ. Ты хаснэ вāрмаль публицистикаг лāваве. Ётылнув, 1993 тāлт тав нэпак хансыс «Откровение Регули». Ты нэпакт «Юлиан» намба поэма ōлы, Шесталов щар пес йис пора пасныл мире ōлупса урыл хансы, пес порат, сав тāl хультум порат акв венгр хōтпа, тав наме Юлиан, Венгрияныл тыг лūи мāн ёхталам, тав рўт тинсым тыг ёхталас, венгр лāтың ос мāньщи лāтың акв рўт лātңыг ловиньтахтэҕ, ты вāрмаль юи-пāлт мōт венгр хум Антал Регули Юлиан хультуптам потрыт ловиньтым ос лūи мāн ёхталас. Ты вāрмаль 1844-45 тāлыт порат ōлыс. Антал Регули сāv ляңхыт, мōйттыт, эргыт атыс, нэпакын ёл-хассанэ. Ты хум урыл писателюв нэпакёт ты хансым ōлы. Тав номсахты: хомус Венгрияныл тыг мўс та хум лёңхе тэлыс, хотьют ёт хōнтхатыглāлыс, хомус мāньщи мир палт ёхтхатас, хомус юи лёңхе ōлыс, манхурип тārвит лёңхет ōлыс.

Ты яныг нэпак хасме юи-пāлт Юван Шесталов сāv стихыт хансыс. Тав хансум потранэ нāйт хōтпат каяныл холът тэлсыт. Г.Н.

Ионин тамле потранэ «шаманский клинописью» лавиянэ. Шесталов мирн Тōрум урыл лāтың тоты, та урыл хансы, маныр эри вāруңкве ос хомус эри мā-вит ургалаңкве элаль олнэ мāгыс. Лūйи мāt нефть ос газ хонтым пасыл мā-вит сака пāңктаве, элаль олнэ мирув ты паттат хомус олункв вērми? Элаль олнэ хōталыт урыл номсахтункве эри, мā-витанув сыстамыг вос олэгыт, нэматыр хонтлан вāрмалы ур вос емты. Писатель та урыл хансы, пес йис мāхманув ма-витаныл ургалаңкве вērмысаныл, нэматыр ма-вит панктын вāрмалы ат вāрыглалсыт, касың йив, кāсын лупта наскасыг ат сакваталсыт. Ань олнэ мир тыщир вос олнув, тыщир олнэ магыс пес йис олупса вāңкве эри, пес йис потрыт, пес йис мойтыт. Ты урыл Шесталов юйōвыл потранэ хансуңкве та хассанэ.

Мāн ань Юван Шесталов хансум потранэ урыл потыртасув, номсахтасув. Тāра паттыслув хоты порат тав хансуңкве овылтахтас, манхурип потрыт хансыс, мāныр урыл номсахтас нэпаканēt. Мāн тāра паттыслув: писателюв Ленинград ūст хаництахтас, мōт-мōт мāt олыс. Таитэ ёмас: щар овыл потранэ Юван Шесталов такви щāнь лātңетыл хассанэ, тав такви мā-витэ ūлылым хансыс, такви тының мире урыл мōйт хольт хансыс, пēs йис олупса урыл ос ты йис мире олнэ-хўлнэ урыл хансыс. Элумхōлас олнэ нотэ сыс сāv мāхум эт хōнтхатыглāлы, сāv нэпакыт ловиньтāлыглы, тав этэ сāvсыр вāрмалит-наквыт емталэгыт. Та урыл хоты хōтпа вērми те, нētнэг, мāщтырыг нэпакын хансуңкве ханыщувлы. Тамле элумхōлас яныг писателиг ётыл ты ловиньтахтуңкв паты. Юван Шесталов такви мāнь мире урыл мā яныт олнэ мирн янытланэ лāтың тākвщ лāвуңкве вērмыс ос хасыс. Тав лātңэ акваг элалы мины, элалы олункве паты.